



Na osnovu člana 8. i 13. Zakona o principima lokalne samouprave FBiH ("Službene novine Federacije BiH", br. 49/06 i 51/09), člana 19. Statuta Općine Novo Sarajevo ("Službene novine Kantona Sarajevo", br. 5/20-Prečišćeni tekst i 20/20-Ispravka) Općinsko vijeće Novo Sarajevo, na 7. hitnoj sjednici, održanoj dana 30.06.2026. godine, donosi

ODLUKU O DOPUNI ODLUKE O RADNOM VREMENU U ODREĐENIM DJELATNOSTIMA

Član 1. (Predmet Odluke)

U Odluci o radnom vremenu u određenim djelatnostima („Službene novine Kantona Sarajevo“, broj 24/05, 27/05 – ispravka i 11/08 – Prečišćeni tekst), dodaje se novi član 21.a koji glasi:

„Član 21.a

(1) Izuzetno od odredaba ove Odluke, Općinska načelnica može, kada za to postoji opravdan javni interes, posebnim zaključkom privremeno odrediti drugačije radno vrijeme ugostiteljskih objekata na području općine Novo Sarajevo.

(2) Zaključak iz stava (1) ovog člana može se donijeti povodom održavanja manifestacija, kulturnih, sportskih, turističkih, humanitarnih i drugih događaja od posebnog značaja za Općinu Novo Sarajevo, Grad Sarajevo, Kanton Sarajevo ili Bosnu i Hercegovinu, kao i u drugim opravdanim i nepredviđenim okolnostima kada priroda događaja ili javni interes zahtijevaju privremeno drugačije radno vrijeme ugostiteljskih objekata, radi organizovanja ili održavanja događaja na javnim površinama, trgovima, ulicama, parkovima, stadionima, sportskim dvoranama i drugim objektima i lokalitetima koji su svojoj namjeni ili privremeno prilagođeni za održavanje takvih događaja.

(3) Zaključkom iz stava (1) ovog člana utvrđuje se područje primjene, kategorije ugostiteljskih objekata na koje se odnosi, period važenja, radno vrijeme, kao i drugi uslovi neophodni za njegovo provođenje.

(4) Zaključak iz stava (1) ovog člana ima privremeni karakter i proizvodi pravno dejstvo isključivo za period i pod uslovima utvrđenim tim zaključkom.

(5) Za vrijeme važenja zaključka iz stava (1) ovog člana, odredbe ove Odluke i Odluke o prekršajima protiv javnog reda i mira primjenjuju se u skladu sa tim zaključkom, u obimu u kojem su njime privremeno uređena pitanja radnog vremena i izvođenja muzike uživo, odnosno upotrebe uređaja za reprodukciju muzike u ugostiteljskim objektima.“

Član 2. (Stupanje na snagu)

Ova Odluka stupa na snagu narednog dana od dana donošenja na sjednici Vijeća, a naknadno će se objaviti u „Službenim novinama Kantona Sarajevo.“

Broj: 02OV-01-1-6566/26
Sarajevo, 30.06.2026. godine

PREDSJEDAVAJUĆI
Općinskog vijeća Novo Sarajevo

Mr. sci. Edison Pavlović